



Na osnovu člana 69. Statuta Općine Centar Sarajevo – prečišćen tekst ("Službene novine Kantona Sarajevo", broj: 23/04), člana 5. Pravilnika o dodjeljivanju stipendija „Prof. dr. Husein Kulenović“ učenicima i studentima broj: 01-11-11520/23 od 7.12.2023. godine, Općinski načelnik raspisuje

KONKURS

za stipendiranje učenika i studenata u školskoj/akademskoj 2023/2024. godini

Ostvarivanje prava

Pravo na stipendiju imaju učenici srednjih škola i studenti, državljani Bosne i Hercegovine, koji se nalaze na redovnom školovanju u srednjim i visokoškolskim ustanovama i koji:

- imaju prebivalište na području općine Centar u neprekidnom trajanju od godinu dana do dana podnošenja prijave za dodjelu stipendije.
- su starosti do 25 godina,
- nisu obnavljali godinu,
- su u prethodnoj školskoj/akademskoj godini postigli uspjeh u školi, odnosno fakultetu/akademiji:
 - učenici srednjih škola sa najmanjom prosječnom ocjenom od **4,00**, a učenici prvog razreda srednje škole koji su u devetom razredu stekli prosjek ocjena **4,00**;
 - redovni studenti fakulteta/akademije koji prvi put upisuju tekuću studijsku godinu na nekoj od visokoškolskih ustanova sa najmanjom prosječnom ocjenom **8,00**, a studenti prve godine fakulteta/akademije koji su u četvrtom razredu srednje škole stekli prosjek ocjena od najmanje **4,00**;

Svi učenici sa ukupnim prosjekom ocjena **5,00** kao i učenici prvog razreda srednje škole koji su u šestom, sedmom, osmom i devetom razredu osnovne škole ostvarili prosjek 5,00, te studenti sa prosjekom ocjena (**9,00**) i više ostvaruju pravo na dodjelu stipendije, bez obzira na ukupan broj bodova prikupljen na osnovu drugih kriterija.

Pravo na stipendiju ostvarit će djeca bez oba roditelja koja se nalaze na redovnom školovanju u srednjim školama i visokoškolskim ustanovama, koji imaju prebivalište na području općine u neprekidnom trajanju od godinu dana do dana podnošenja prijave.

Kriterij bodovanja i potrebna dokumentacija

Stipendije za učenike/studente dodjeljivat će se na osnovu broja bodova koji se utvrđuju za svakog prijavljenog kandidata na osnovu postignutog uspjeha u učenju u prethodnoj školskoj/akademskoj godini i dodatnih bodova ostvarenih po osnovu:

- rezultata postignutih na takmičenjima postignutih iz oblasti obrazovanja, nauke i umjetnosti koja se realizuju u skladu sa kalendarom takmičenja ministarstva nadležnog za poslove obrazovanja u Kantonu Sarajevo (izuzev rezultata ostvarenih na takmičenjima iz sporta);
- završenog dodatnog obrazovanja (Osnovna muzička škola);

- dostignuća u sportu (status perspektivnog sportiste)

Uz prijavni obrazac potrebno je dostaviti sljedeću dokumentaciju (original ili ovjerana kopija):

a) Obavezna dokumentacija:

- Potvrda o upisu u tekuću školsku/akademsku godinu;
- Svjedočanstvo o uspjehu u prethodnoj školskoj godini (za učenike I razreda srednje škole sa prosjekom ocjena 5,00 svjedočanstvo o završenom IX razredu i uvjerenje o uspjehu za VI, VII i VIII razred);
- Uvjerenje o prosjeku ocjena u prethodnoj akademskoj godini, a za studente I godine svjedočanstvo završnog razreda srednje škole;
- Uvjerenje o kretanju kretanju za kandidata (MUP KS PU Centar ili uvjerenje o kretanju iz CIPS-a);
- Potvrda iz banke o otvorenom bankovnom računu (ukoliko maloljetni kandidat nema otvoren bankovni račun, priložiti potvrdu bankovnog računa roditelja/staratelja, te JMBG nosioca računa);
- Dokaz da je učenik/student bez oba roditelja;
- Izjava da učenik/student ne prima stipendiju po nekom drugom osnovu.

b) Dodatna dokumentacija (za kandidate koji žele ostvariti dodatne bodove)

- Dokaz o učešću i postignutim rezultatima na kantonalnim, federalnim, državnim, međunarodnim takmičenjima i olimpijadi;
- Dokaz da je učenik/student ostvario status perspektivnog sptiste Kantona Sarajevo u prethodnoj školskoj godini;
- dokaz da kandidat ima završenu osnovnu muzičku školu.

U slučaju da prijavljeni kandidati imaju jednak broj bodova, prednost će imati:

- onaj kandidat koji ima više bodova po osnovu rezultata u učenju,
- kandidat iz viših razreda, odnosno godina studija.

Visina i broj stipendija

Stipendije se dodjeljuju za jednu školsku/akademsku godinu i isplaćuju se za (10) mjeseci, a prema usvojenom Planu stipendiranja. Visina mjesečne stipendije za učenike i studente iznosi:

- za učenike srednjih škola sa prosječnom ocjenom od 4,00 do 4,49 - 120,00 KM;
- za učenike srednjih škola sa prosječnom ocjenom od 4,50 do 4,99 - 150,00 KM;
- za učenike srednjih škola sa prosječnom ocjenom od 5,00 - 200,00 KM;
- za studente sa prosječnom ocjenom od 8,00 do 8,49 - 150,00 KM;
- za studente sa prosječnom ocjenom od 8,50 do 9,49 – 200,00 KM
- za studente sa prosječnom ocjenom od 9,50 do 10,00 - 250,00 KM;

Dodjela stipendija vršit će se nakon usvajanja Budžeta za 2024. godinu.

Ostale informacije

Preliminarna rang lista objavljuje se na oglasnoj ploči i web stranici Općine Centar Sarajevo. Preliminarni rezultati će se objaviti pod šiframa (barcode) koje će aplikantima biti dodijeljene

prilikom predaje prijave. Svaki prijavljeni kandidat na konkurs pismeno se obavještava o rezultatima konkursa u roku od 15 dana od dana donošenja konačne odluke.

Na preliminarnu rang listu kandidati mogu u roku od osam dana od dana objavljivanja iste, podnijeti pismeni prigovor Komisiji za razmatranje prigovora. Rok za podnošenje prijave je 15 dana.

Pravo na stipendiju ne mogu ostvariti učenici/studenti koji koriste stipendiju po nekom drugom osnovu, koji su obnovili godinu i apsolventi.

Nepotpune i neblagovremene prijave neće se uzeti u razmatranje.

Prijavu na Konkurs (koju možete naći na web strani www.centar.ba ili lično preuzeti na info-pultu Općine Centar Sarajevo) sa potrebnom dokumentacijom dostaviti lično na protokol Općine Centar Sarajevo ili poštom preporučeno na adresu Mis Irbina broj 1, uz naznaku "Prijava za stipendiranje učenika/studenata".

Sve dodatne informacije mogu se dobiti u Službi za obrazovanje, društvene djelatnosti, kulturu i sport putem telefona: 033/562-393 i na e-mail: obrazovanje@centar.ba

Rok za podnošenje prijave je 29.12.2023. godine.

OPĆINSKI NAČELNIK

Srđan Mandić